

## Communicaziun a las medias

### alpinavera classifitgescha ses products da nov tenor l'eco score da Beelong

A partir da l'avrigl 2022 vegnan var 2'400 products regionalis certifitgads dals chantuns Grischun, Uri, Glaruna e Tessin validads concernent lur impronta ecologica e lur persistenza. En collavuraziun cun Beelong introducescha alpinavera l'eco score: Il label per victualias che classifitgescha lur effect sin l'ambient e lur persistenza.

Actualmain portan 2'500 products regionalis certifitgads il sigil da qualitat regio.garantie. Dapi plirs onns s'engascha alpinavera ultra da quai per ina producziun persistenta ed in consum durabel. Per quest motiv ha alpinavera laschà valitar ses products certifitgads en collavuraziun cun Beelong. Actualmain è Beelong vi da far las ultimas valitaziuns. Cun quest pass è damai cuntanschì l'emprim term impurtant: tut ils products regionalis certifitgads dad alpinavera obtegnan in eco score – la valitaziun individuala da lur impronta ecologica e da lur persistenza.

#### Mesirar e classifitgar la persistenza da victualias

alpinavera ha examinà il 2019 differents indicaturs ambientals ed è sa decidida per l'eco score da Beelong. Decisivs èn stads trais motivs: l'interpresa Beelong è vegnida fundada il 2008 ed è damai l'organisaziun che ha la pli gronda e la pli lunga experientscha da valitar products e la gastronomia. En pli dispona Beelong d'ina gronda rait en tut la Svizra. Beelong examinescha mintga singula ingredienza e calculescha per finir in resultat total per criteri sco er in resultat total per tut ils criteris ensemen: l'eco score resumà e visualisà sin il product en furma d'ina ampla cun ina scala dad A fin E, damai da verd fin cotschen.

Per pudair far ina valitaziun dovri indicaziuns detagliadas davart ils products. Da questa sfida sajan ins stà pertschert gia baud ed haja stgaffì, grazia a la cooperaziun dals producents involvids, ina fitg buna situaziun da partenza, di Jasmine Said Bucher, manadra da fatschenta dad alpinavera.

#### Products da la regiun duain esser l'emprima elecziun

Victualias che vegnan producidas e vendidas en la regiun sajan fitg tschertgadas, conferma Jasmine Said Bucher. Ultra da quai veglian las consumentas ed ils consumers savair adina pli savens quant persistentes che sajan ils products regionalis. Per alpinavera èsi impurtant da cumprovar ch'ils products regionalis certifitgads ch'èn vegnids producids en ils chantuns Grischun, Uri, Tessin e Glaruna n'èn betg mo exemplarics quai che pertutga la regionalitad, mabain er elements decisivs per ina moda da sa nutrir favuraivla al clima. Cun l'eco score

Diese Label kennzeichnen zertifizierte Regionalprodukte

introducescha alpinavera uss ina classificaziun visuala che gida la consumenta ed il consument da cumprar il product che correspunda il meglier pussaivel a sias spetgas.

Tgi che dat paisa ad in'alimentaziun favuraivla al clima cumpra products stagionals e regionals. En pli è impurtanta era la moda da produczion. Jasmine Said Bucher explitgescha: «Beelong ha valità ils products regionals certitgads en general fitg positivamain cun in eco score verd tranter A e B. Quests resultats positivs sa fundan sin plirs aspects: products regionals han clers avantatgs areguard la derivanza, perquai che las directivas premettan la creaziun da valor e cunquai era l'elavuraziun en la regiun respectiva. En pli è decisiv per in bun eco score er ils standards da produczion e da cultivaziun, di Jasmine Said Bucher. Sulettamain 44 products han cuntanschì mo la classificaziun C. alpinavera guarda ussa cun ils producents pertutgads co ch'ins pudess meglierar il fastiz ecologic dals products. Suentar quels discurs vegnan ils products publitgads individualmain sin la pagina-web. Da princip signifitga la classificaziun C ch'ils products sajan da consumar cun precauziun.

Cun introducir in eco score cuntanscha alpinavera uss ina finamira intermediara. En in proxim pass vali d'intermediar il messadi positiv a las consumentas ed ils consuments. alpinavera enumerescha ils products evaluads sin alpinavera.ch en il profil da la producenta / dal producent, en l'online shop ed actualmain era cun render accessibels tut ils posts da vendita da ses partenaris. Il medem mument vegnan ses products certitgads marcads cun l'eco score. Ina mesira che vegn accumpagnada ils proxims dus onns da numerusas mesiras da communicaziun.

### **Tgi è Beelong**

Nossa missiun è da promover la trasparenza en il martgà da victualias e da cumprovar ils effects che las mangiativas han per noss planet. Uschia vulain nus accumpagnar ustieras ed ustiers, consumentas e consuments e l'industria da victualias sin lur via ad in'alimentaziun uschè persistenta sco pussaivel. Ma per pudair consumar a moda pli duraivla èn indispensablas las infurmaziuns davart ils products respectivs. Ed igl è impurtant da prender per mauns la trasparenza mancanta en il martgà da victualias. Per quest motiv valitescha Beelong tut las mangiativas e tut las bavrondas a moda simpla e cun la medema scala dad A fin E. En quest process da valitaziun vegnan rimnadas infurmaziuns ch'èn disponiblas d'ina vart al lieu e che vegnan da l'autra vart messas a disposiziun da la cuminanza scientifica.

### Tgi è alpinavera?

«alpinavera» è ina plattafurma per products regiunals certitgads dals chantuns Grischun, Uri, Glaruna e Tessin. La finamira da l'uniun purtadra è da render accessibels martgads e chanals da vendita per partenaris da l'agricultura e da la scienza dal nutriment e da svegliar resp. augmentar la preferenza da consumentas e consuments per products regiunals. En pli s'engascha alpinavera surtut per visualisar la produczion d'aliments favuraivels al clima.



#### Contact

Jasmine Said Bucher  
manadra da fatschenta

#### Uniun purtadra alpinavera

Distelweg 4  
7000 Cuir  
079 754 77 73

[info@alpinavera.ch](mailto:info@alpinavera.ch) / [alpinavera.ch](http://alpinavera.ch)



#### Contact

Oriah Kaspi  
Senior Project & Brand relationship manager

#### Beelong SARL

Route de Berne 302  
1000 Losanna 25  
078 783 10 40

[Oriah.kaspi@Beelong.ch](mailto:Oriah.kaspi@Beelong.ch) / [www.Beelong.ch](http://www.Beelong.ch)

Link per telechargiar maletgs da pressa:

<https://we.tl/t-4XVzWzI8nb>